

武功縣志卷之二

田賦志第四

起用一凡  
字中用二  
增字末用  
一計字遂  
成妙文

志田用順  
筆志戶口  
用逆筆三  
視字甚妙  
此對山獨  
得之法也

夏秋賦與  
聽數不合

庸用租庸  
調法有田  
則有租有  
身則有庸  
有家則有  
調租出穀  
庸出絹調  
出繒繡布  
皆日站戶  
之苦如此  
那讀之惻

洪武二十四年。田凡一千八百九頃一畝六分七釐。永樂十年。增二十四頃二畝八分。弘治十五年。增二十九頃三十畝一分。正德七年。計一千八百六十二頃三十四畝五分七釐。

戶正德七年。一千九百七十有八。口二萬七千四百三十有一。視弘治十五年。戶增二十一。口增二百五十七。視永樂十年。戶增二百八。口增九千八百五十四。視洪武二十四年。戶增二百九十五。口增一萬四千七百四十一。民戶九百七十七。軍戶九百一十九。匠戶三十三。名尉力士戶五。厨戶一。

打捕陰陽醫戶各二。樂戶九。

賦弘治已上。不論論今所賦者。一萬七千二百二十七石八斗二升九合九勺一抄七撮。該夏七千七百二石三斗八升三合九勺

卷之二

八抄七撮。秋三千五百二十五石四斗四升五合九勺三抄。綿布一千三百五十四匹二丈四尺。有桑七千二百八十株。該絲綿二百三十九斤三兩五錢。課程鈔商稅九千四百貫三百文。酒課三百七十貫四百文。水磨課六百九十一貫。水磨與其戶。今亡六七十年。而課鈔猶存。乃繼徵之。其里人人不能自備。田賦庸調。又安能他及此。此積弊深遠。民由之而不知者也。

正賦之外。有驢馬牛站。五年一易。易者又五年。已又代之。五年之內。諸丁賦歲調力役事。無一免焉。故站戶多至流移。豪右者或據其業為己有。不然。卽張大聲勢。流移者懼。自恐弗遠。遭之也。故益抵僻壤。有終其身不能問墳墓。識田廬者矣。

丁賦有戶口食鹽鈔八萬九千三百一十六貫。貫折銀三釐。計二百六十七兩九錢四分八釐。柏子仁五十斤。貝母七斤。石膏一斤。

羯音結綿  
此壯也

對山文人  
也而於官  
吏民情洞  
悉如此文  
則古趣洋  
溢率其筆  
性而已非  
寡擬史漢  
者所能到  
也  
只用數虛  
字運化許  
多物名舉  
重若輕能  
令極尋常  
之物皆成  
極雅極妙  
之文此種  
筆意從史

遷偵殖傳  
得來最能  
警俗讀者  
宜悟入也  
不解此法  
落筆即為  
兔園冊子  
論東南蠶  
織利病洞  
達筆更蒼  
明以前官  
師人物傳  
多就歷代  
史書節錄  
亦有點竄  
舊志者非  
盡對山手  
筆故畧為  
註之不評  
會文法

葛蒲五斤瓜蔓根七斤金銀花四斤共折銀七兩綿羯羊十隻十  
兩又有軍器銀四兩布價銀六兩通計二百九十四兩九錢四分  
八釐而其餘歲調不與焉賦役之事往予不可曉也自所及見者  
其紛紜謬亂何可勝道予竊傷之焉長吏乍服官政平居未嘗覘  
識民隱一旦據案執筆老書黠算反覆相幻則不勝其煩懣至有  
舉手以付者矣豪民巧為規避交倚貴重買官鬻吏無所不至戶  
以已為昂而已反趨低故低者益昂昂者益低愚民輾轉相慕至  
以為能不如此不可以自快也此其做豈一日之漸哉

物產五穀皆美種而瓜果蔬菜亦嘉木宜桑柘榆柳椿檮桐栢楸  
梓白楊竹藥稱芫花小薊甘遂地黃半夏香附車前益母薄荷烏  
獸惟所恒畜亦有狐兔鶴鵲鳩隼鶉雁燕雀然在在有之非特產  
也地東南大宜木綿桑故蠶織之業廣焉然多為細人覬覦營利

卷之二

故其人反貧甚至寒不得衣繼締諺曰物豐于所聚利竭于所產  
豈不誠然乎

別錄曰芎藭  
生武功川谷

官師志第五

唐韋維字文紀進士對策高第擢武功主簿督役乾陵會歲飢維  
均力勸功人不知勞終太子右庶子與宋之問同時

維安陸人司庫員外郎知人子遷戶部郎中善  
裁割時員外宋之問善詩故時稱戶部二妙

駱賓王義烏人七歲能賦詩初為道王府屬王令賓王自陳所能  
不答歷為武功主簿裴行儉總管洮州辟掌書奏不應調長安簿  
徐敬業敗賓王亡命不知所之

裴行儉字守約  
聞喜人善知人

毛若虛絳州太平人眉長覆目性殘鷲天寶末為武功丞年六十

交水唐書  
非校水

餘肅宗還京師擢監察御史後又至御史中丞有罪貶賓化尉死

懿。

燈音呈。按祿山陷東京留守李燈坐府中御史中丞盧奕坐臺中祿山使人執之及採訪判官蔣清皆殺之非蔣清害燈也

薛播河中寶鼎人擢進士累授殿中侍御史遷武功令温敏而裕

與人交有常官至禮部侍郎卒贈本部尚書。

張署貞元中舉進士博學宏詞為校書郎尋為武功尉治有政績

擢監察御史貞元十九年貶郴州臨武令尋移江陵掾京兆府司

錄參軍遷尚書刑部員外郎出為虔州刺史與韓退之同時終河

南令。

陳南仲潁川人貞元十八年為武功丞邑人宜之號為簡靖。

卷之二

三

姚合陝州破石人中書令元之孫也元和中進士及第調武功尉

善詩世號姚武功遷監察御史累轉給事中歷陝虢觀察使終秘

書監合有武功縣居詩三十首宋張及王頤為令皆繼刻石置縣

署中縣居詩其一縣去京城遠為官與隱齊馬隨山鹿放雞雞野

二方拙天然性為官世事疎唯尋向山道不寄入城書因病方收

藥緣漁學釣魚養身成好事此外盡空虛其三微官如馬足祗是

在泥塵到處貧隨我終年老趁人簿書銷眼力枯酒耗心神早作

歸休計深居過此身其四簿書多不會薄俸亦難消醉臥慵開眼

閑行懶繫腰移花兼蝶至買石得雲饒且自心中樂從他笑寂寥

其五曉鐘驚睡覺世事便相關小市柴薪貴貧家砧杵閑讀書多

旋忘餘酒數空還長羨劉伶輩高眠出世間其六性疎常愛臥親

考千餘日低腰不擬休其七客至皆相笑詩書滿臥床愛閑求病

今日即今  
之選單

按唐書合  
係元之第  
三子奕會

酒戶愁偏長詩情病不開可曾衙小吏恐為踏青苔其十二自下  
青山路三年着綠衣官卒食肉備才短事人非野客教長醉高僧  
勤早歸不知何計是免與本心違其十三日山方能起庭前看種  
引下馬上山鳥散酒熱野人過岐路荒城少烟霞遠岫多同官教相  
老漸親僧夢覺空堂月詩成滿硯冰故人愁欲不勝寂寞不稱其  
十五誰念東山路栖守印床何年得事盡終日逐人忙醉臥誰  
知叫閉書不著行人問長檢來與此豈相當其十六朝朝眉不展  
多病怕逢迎引水遠通湖墨山高過城秋燈照樹色寒雨落池聲  
好是吟詩夜披衣坐到明嫌詩僻親情惟酒能問風寒起早眠每句  
常乞假隔月請官錢還往嫌詩僻親情惟酒能問風寒起早眠每句  
是歸田其十八閉門風雨裏落葉與階齊野客嫌枯小山翁喜枕  
低聽琴知道性尋藥得詩題誰更能騎馬閑行祇杖藜其十九腥  
羶都稱名小有洞中誰能引我行其二十宦名渾守官常臥病學  
道別晴月消燈色寒天挫筆鋒驚禽時並起閑客數相逢舊國蕭  
開封青山隔幾重其二十一假日多無事誰知我獨忙移山入縣  
條思竹上城牆驚蝶遺花葉遊蜂帶蜜香惟愁明早出端坐吏人  
宅其二十二城門外青山路因循自不歸養生宜縣僻說品喜官微  
僕其二十三僧飯閉披野客衣誰憐幽谷鳥不解入城飛其二十三  
淨無限日愁悶欲何如掃舍驚巢燕尋方落壁魚從僧乞淨水一  
官報閑書白髮誰能銷年來四十餘其二十四朝朝門不閉長  
客山時賓客抽書讀兒童斫竹騎久貧還易老多病懶能醫道人  
應相惟休官日已遲其二十五戚戚常無思循資格上官閑人待

卷之二

事晚常骨覓仙難醉臥疑身病貧居覺道寬新詩久不寫自算少  
人看其二十六漫作容身計今知拙有餘青衫迎驛使白髮憶山  
居道友喜蔬食吏人嫌草書須為長久事歸去自耕鋤其二十七  
吟詩易長愁慙慙問漁者暫借手中鈎其二十八長憶青山下  
居遂性情疊壑溪石淨燒竹竈煙輕點筆圖雲勢彈琴學鳥聲  
朝知縣印夢裏百憂生其二十九自籍知狂僻性吏事因相疎其  
看山立無嫌出縣居印朱沾墨硯戶籍雜經書月俸尋常請無妨  
乏斗儲其三十一作吏無能事為文舊著功詩標八病外心有落  
中拜別登朝客歸依鍊藥翁不知還往內誰與此心同又有蓬  
詩十首皆作尉時詩也其一十二月一日後尋春更不眠自知還  
近僻眾說過如鱗看水亭依路登山欲到天悠悠芳思起病行樹  
風前其二卑官常少事解縣又無城未曉衝寒起迎春忍病相牽  
枝風掉軟菜甲上浮輕最好林問鵲今朝足喜聲其三詩酒相牽  
引朝朝思不窮苦痕雪水裏春竹烟中迎雨綠池草催花倚樹  
簷前坐尋芳樹底行土融凝野色四座中主印吏誰造有相泥  
睡不輕其五疎頑無異事隨例但添年舊歷藏深篋新衣薄絮來  
暖風渾酒色晴日暢棊花枝爭山中水色高嫩雲輕似絮看春  
不足豈更覺深勞寺裏花枝爭山中水色高嫩雲輕似絮看春  
如毛併起詩人思還應費筆毫其七悠悠小縣吏顛顛入新年  
人肯更憐閑情被酒牽戀花林下飲愛草野中眠疎酒看影試新  
衣嫩樹行移長幽禽語旋飛同求皆去盡衝夜獨吟歸其九朝朝

看春色。春色以相憐。酒醒鶯啼裏。詩成蝶舞前。摘花盈手露。折竹滿庭煙。親故多相笑。疎狂似少年。其十。卑官還不惡。行止得逍遙。晴野花侵路。春波水一橋。塵埃生暖色。藥草長新苗。看却煙光散。狂風處處飄。其十一。一身被春光。引經時更不歸。喻花香滿口。畫竹粉粘衣。弄日鶯狂語。迎風蝶倒飛。自知疎懶性。得事亦應稀。其十二。曉脫青衫出。閑行氣味長。一瓶春酒色。數頃野花香。朝客聞應美。山人僧見亦狂。不將童僕去。恐損風光。書縣丞舊廳。宮殿半山。渠聖朝收外府。皆是九天除。縣中秋宿。鼓絕門方掩。蕭條作吏心。露垂庭際草。螢照竹間禽。棋罷嫌無月。眠遲聽盡磬。還知未離此。時復更相尋。

**宋張及舉進士**。為殿中丞。祥符八年。出為武功令。有政績。喜文學。

及慕姚武功之為人。於是刻姚武功縣居諸詩四十餘首于石。

**种世衡**洛陽人。放兄子也。初以放蔭補將作監主簿。天聖中。知武功。天性嚴明。政令皆緣人情。本土俗凡所行。先與民約。度其可必行。始布下之。民以為便已也。乃更求民所疾苦。與祛洗之。夏人犯邊。自新平以下。時被屠掠。民沟沟莫能自保。或欲避南山。嶽僻中。

卷之二

世衡集僚佐父老告曰。所以敢凌我者。徒以民未習戰騎射。儉寡爾。顧關中人何有難是者。於是選其子弟。以教者數千人。置標的。與子弟約束騎射。乃鑄金錢。懸標箭上。平曰。中錢孔者。以錢三之。初三四人中錢孔。各予一錢。數日。則三四人中錢孔。再踰月。則數百人皆連中錢孔。故當時稱武功人無弗善射者。世衡之所教也。初武功人數拒吏治。吏苦于追集。世衡曰。官慢令易信。故百姓不就此。長吏之罪也。我今請易之。有所呼集。但以片紙榜其門。曰。縣追某人。期某時到。追者即持所榜趨縣。毋後期者。其威信在人如此。至今猶傳之。後置制環慶。鄜延邊事。皆有奇績。官止東院使。環慶路兵馬鈐轄。卒贈成州團練使。羌人朝夕哭臨者數日。清澗及環人。皆畫像祠之。

**王頤**為大理丞。治平中。遷武功令。端重該博。治有良績。以縣故有

一  
名  
選  
終  
南  
自  
稱  
退  
士  
後  
復  
惠  
召

得有武功  
台石飛卿  
見司馬文  
正公集

姚武功詩刻久且蝕矣。迺更以五體書刻而識之。  
高士徹開封人。為令有治績。遷監察御史。後復貶知縣事。已而復  
遷御史給事中。官至御史大夫。

呂義山蘭谿人。擢進士。初為涇陽主簿。遷知武功。百姓親之。後遷  
監察御史。至戶部侍郎。

錢秉淮陽人。知武功。愛民慎罰。民畏之如神明。私無敢犯令者。三  
年卒于官。

李宗大梁人。舉進士。為鄜簿。歷岐山武功令。所至有政聲。後知慶  
陽卒。

趙茂曾洛陽人。先為壽春令。建中靖國元年。知京兆府。孫覽奏更  
武功。崇寧元年春始至官。用法平恕。三年治成。百姓咸服。

孟通陽翟人。以仁厚治縣。號為得體。民樂其用。修繕城郭。官署學  
校。不刑一人。人趨事赴工。唯恐有不悅也。官至諫議大夫。

卷之二

劉幹汶陽人。大觀四年。知武功。臨政不苟。行已治事。以身為先。時  
民感焉。詳見游靖碑。

張山甫偃師人。熙寧間。除武功主簿。時宋光庭簿萬年。程伯淳簿  
鄆。三子者齊名。關中號三傑焉。與張子厚善。故武功因有子厚綠  
野亭。

元王君志失其名。世祖至元中。為武功令。建置廟學。工欲成。擢行  
臺掾去。

杜淵長安人。繼王君知武功。能繼成王君之事。

明興有耿忠者。鳳陽人。長興侯從弟也。洪武九年。詔統鳳陽軍。萬  
餘人屯成關內。而居控于武功。號令嚴明。士毋敢易。暇日。問俗廣  
教。民忻忻興禮讓焉。學校城郭。皆所議置。旋師之日。父老送者以

光庭字公  
撰程子門  
人

明以前職  
官與明初  
知縣相接  
有耿都督  
一開竟成  
奇格

免將知縣二十七人  
總叙亦是  
與前代職  
官分別處  
法本史記  
債殖傳  
列二十七  
人事具穿  
插廻環分  
合伏露之  
法可作一  
大傳讀  
能令人稱  
其惠亦賢  
矣  
忘而不  
是虛寫法  
然亦非不  
能忘者  
廻顧天然  
有平政只

是不作意  
將嚴公以  
下五人總  
一筆用嚴  
公贊蘇公  
即借蘇公  
顧嚴公法  
妙  
事涉誕而  
文獨佳

民不耐煩  
官却耐煩  
故事無留  
滯  
仁厚有禮  
四字擴而  
充之即古  
之循吏也

數萬計。民至於今猶稱之曰耿三官人云。終都督僉事。潞西子曰。耿都督非武功吏。以有治及武功。故予得載之焉。

知縣自建置初至撰志時。得之于故志。及父老所談說。與所身見者。二十有七人。具以所聞者。稍列其行事。

嚴祀鳳陽人。洪武初除。故志稱其臨事簡愛民誠。然官署學校。與壇墀祠廟。皆所創作。草昧更革之際。而能如此。則可以知其志矣。

賴禮南康人。第進士。除知武功。故志稱惠焉。

宮廷靜樂人。有明政。予少時於父老聞其事實。今忘之矣。終九年無細過去。

曹俊靜樂人。父老云。其行事無忝於官。亦九年去。

蘇孝灑池人。正統時除。有平政于民。民德之。嚴公以後。凡言知縣者。無以加蘇公也。然善廉克謹。事無小大。無敢忽。即不怒。民無弗

卷之二

威弗惠。民無弗懷。天順壬午卒于官。卒之日。百姓若喪考妣。故志載禱神事絕驗。其精誠所感。豈不信哉。今可以附見其微細。正統甲子。當鄉試。蘇公夢神人告曰。汝縣合舉二人。明日萃當試者十。一人置十一闕。以二花字內之。曰。得花者舉。已而李紀張翺得。後果二子得舉。

闕音鳩。括闕闕。取也。內與納同。

寇如圭宜賓人。性剛毅明辨。迎事而決。無有留滯。嘗曰。細民何可。令耐煩如許。九年致仕去。民咸思之。

劉志河內人。為人仁厚有禮。凡所施行。務存長者。民服其教。毋忍私違也。嘗值歲旱。聞太白靈湫。身往禱之。或以山多陰氣。恐其羸

億冒寒。別有他咎。止之不聽。卒致湫來。雨隨至。各沾足。其所未至。則絕無涓滴。百姓迎勞道左。以數萬計。見雨來。則爭以雨具授公。

民心易感  
如此

三人合傳  
又題顧劉  
公以上七  
人無惡聲亦  
難

治尚整肅  
非有德者  
不能政無  
元是知大  
體者精粹  
語讀之者  
當熟玩

言行相顧  
君子也

將成化時  
十二人總  
下斷語正  
是顧瞻前  
後處

公磨去曰此神貺我民者我何可褻易不敬九年致仕去老幼婦  
子哭逐拔號者不可勝數語曰民可以誠動不可以詐劫其言豈  
不足信哉

李玉江四人

張英沁水人

孟王 大名人三子者雖少不逮前數公要其無惡聲云

邊鐸藁城人善罵抄威儀以賊罷去

抄與鮮  
影同

劉葵鹽山人美儀宇治尚整肅民敬畏之

高璉繁峙人爽慨明允政無冗焉

張宏內鄉人成化中除為政嚴毅有斷凡所約束民畏之猶鬼神

嘗曰守令之職治民事神而已治民弗以禮教是棄民也事神不

卷之二

能蠲潔職業雖誠然猶慢也夫刑罰以禁姦止邪或加諸無辜則  
何以訓方來故其行事皆於言毋少戾矣予少時聞長老談述張  
公之事則私自識記為政有綱紀文章若張公其庶幾乎哉後乃  
以誹罷去至今咸以為寃成化時知縣能顯名久遠者顧獨有張  
公

成化時知縣謂寇如  
至至王翼十二人

劉翼介休人朴魯無威儀乃為百姓侮成蠱腫亟歸則死諸塗中

陳潤泗水人好俠喜用計數民初亦易之然能先人急難仗義有

口成化甲辰歲大饑民相食流移者十已六七潤集父老豪築垂

涕告曰潤雖不才尚賴倉有餘粟可以活父老子弟今悉去將安

舍之况父老素無資蓄一旦他委溝壑何若死首邱乎於是發倉

賑焉士大夫百姓賴以活者萬計而其家實不肯私內一錢是時



處盜賊不  
得不嚴

尊禮士大  
天正是以  
禮自處

知政要矣

盡職不為  
毀譽所易  
是有定見

仁者之言

卷插第二  
十六人無

盜賊恣橫屬豪傑者四捕之雖東薪立礮諸市由是比縣亦無盜  
矣乃喜怒亡常遇士大夫或尊禮已甚卽又嫚罵無忌已卽又佯  
若未罵者故士大夫多不直云官至應天府推官

王翼遼東人成化末除寬易善讜好遇士大夫必尊禮之焦上村  
逆旅主人陰殺旅人匿其貨置屍遍滿數井翼悉發治之時以爲  
能

王王祥符人弘治二年除目盲不能任事居兩年以憂去

宋學通字文淵湖廣永州人弘治四年除善治威儀與人接言笑  
一無所苟左右雖久侍莫能揣摩意向性蠲潔謹守畏法令嘗曰  
政在去其所害而興其所利爾他皆細故雖多毋足校也於是極  
意砥礪至里老書算與諸在官人終其官莫得民杯酒者矣諸賦  
役事期在均平或百方籌計善奸極巧之人毋能肆其夤緣呼集

卷之二

公事簡約省易止責諸直年餘盡燕坐亡擾地里遠近皆有定約  
故卒亡後期者又喜勸勵學校日自督責諸生諸生卽有所毀譽  
心不以易也曰我職蓋若此後稷祠綠野書院皆所創建民歡忻  
向工若赴絢塗居九年以誣罷去人莫不寃之然益可以證其行  
事矣許西子曰予爲生員時宋侯執守莊嚴蓋凜不可易云有貴  
勢者得罪人之賂以宋侯與善也托解之焉侯卒不肯或曰此不  
可失歡者公升止旦夕倘弗利奈何侯曰彼良善無辜而死覲有  
以雪之今予明知其事又苟且弗決是上負邦典下負無辜鬼神  
謂何竟坐法不少貸後所以成是誣者此貴勢陰爲之爾宋侯去  
後遺法故行中才之吏取而行之亡弗效者至正德十二年始盡  
變無有矣語曰知之非艱行之惟艱行之非艱守之爲艱豈不誠  
然乎

能近人情  
者即良吏  
也

忽將第二  
十五人預  
透一筆不  
副

有主意固  
好視公私  
何如耳

好賢樂士  
豈人之言  
可知

如此存心  
不在讀了  
民之父母  
一句

民不可先  
事久勞不  
可

党茂忻州人。弘治十二年除。性淳篤質直。而善緘默。御史治民不責於人情之外。事完令行而已。中更剛正。不畏強禦。譽來不喜。謗至不怒。有長者之道焉。當路者以為才劣於縣。改涓源。檄至。慨然委任。以去。人至今稱其賢。茂後九年。而有濮劉氏益表表然。長者也。

歐陽讓吉水人。弘治十五年除。能揣摩事體。凡有所施行。惟所私計。計定。即羣呼噪於前。伴唯唯耳。卒不以易也。事小大多寡。亡有與吏一語者。吏饒敏慧。給辨莫能窺識所指。故吏皆殊窮。浸潤者終其官。雜費無紀。實不能夠致一錢。嘗自言曰。已既不能棄。又使人分虐下民。此何為者。去之日。民亦無有怨者。

王志遼州人。弘治十八年除。尋以憂去。改南鄭。遷金州知州。

卷之二

十

設。惟恐人弗駭異也。中顧好賢樂士。暇則延士大夫。置酒高會。賦詩言志。其樂陶陶然。其意翛然。非筐篋刀筆所拘繫也。再踰年。以憂去。

崔傑定州人。正德四年。自鳳翔丞遷。未幾以病罷去。

劉紹字繼芳。濮人。端謹誠篤人也。正德五年除。有書手作弊。紹發治之。踰月。書手死。其家人誣以為杖死也。昇其屍來。請金為葬。寮佐怒。欲治之。紹不肯。曰。人死。杖木之下者。宜不少。設果非病死。吾為民父母。何忍其死無葬也。於是。以金予之。哀矜惻怛。猶數月。未平也。紹在官。當塗者咸禮重已甚。而居已治民。乃一切以長厚臨事。又能鎮靜罔躁。壬申癸酉之際。蜀漢有警。西征將士。供億不可勝冗。他縣皆先期飭備。人不堪命。而至多弗稱。紹待其至。始徐為之。民不知勞。而士皆稱足。曰。民不可先事久勞。人情勞久則避。故

弗能爲用也。與人無間言。接士大夫恭而有禮。公私宴會。輒引飲不辭。卽甚醉。益從容不放。閒居未嘗出一妄言。十二年。以病告歸。小大一誠。終始無媿。古稱淑人君子。其儀一分。心如結兮。蓋紹之謂也。至其犯而不較。毀譽不形。雖故稱長厚者。亦未能或之先也。孫昌字啟宗。陝州引農人。正德十二年除。明年有憂。報至。卽日解印持喪。然貧莫能歸。昌因士大夫告巡撫公。巡撫公乃移檄縣吏。約爲治行。典史張進者。陰狡無狀人也。適代署縣事。新與昌忌。昌曰。若予典史治吾事。吾亡行之日也。於是索其派戶。來自治之。或多所低昂。民由是益不直昌。或怨言矣。進又妄把持昌。至指爲疎闕。不得行。士大夫以理喻之。始已。易曰。苦節不可貞。貧蹇屯乏之際。誠已難居者哉。

馮瑋字玉仲。遂寧人。正德十三年除。

卷之二

士

筆法何等  
鬪爭

縣丞十人  
一傳典史  
七人一傳  
得體

事雖不經  
亦足示戒  
吾庸手爲  
之則可晒  
矣

縣丞有襄陵賈盛。南陽寇銓。蜀蔡華。田濟。項城魏信。任邱劉琮。汾州呂彥士。鄧州劉欽。清平王江。惟銓信終九年去。而彥士能禁輯強橫。凡所施行。捷於影響。有機辯。人咸畏之。雖廉介不足。亦一時之能吏也。居三年以憂去。欽繼之。能道說法令。有犯者。雖過誤。悉按法不少貸。今有劉景鈞。州人。正德十二年自三原簿遷。

典史有董英。常泰郭自經。董廣。劉英。張儀。張進。董英。沁人。有才畧。民敬畏之。及罷去。猶服用。毋敢後也。董廣。藁城人。與宋侯同時。宋侯恒用之。二董之後。畧無足觀者。張儀。儀封人。刻薄狡險。善虐其民。取之極骨髓。及語百姓。則曰。吾爲吏廉。士大夫不知也。卽有弗廉。我安敢昧城隍。城隍靈。當使我父子橫死同日。不踰年。果父子同日死。壯兵祇候儀宅者。是夜未寐。見二長鬚人。皂衣持鎖。突入儀寢。兵以爲同事者。俄傳儀子死。兵亟尋持鎖者。內無有也。乃儀

學起即是學亦即是教無少怠是學到自然處也

獨易之只是無所求

論說終日無倦是講

教人惟恐其皆賢此賢者之心也

遼庵楊公一清也王公雲鳳號虎谷山西和順人

此嚴師也

亦暴死日中。張進固安人。科索歲無虛日。民不能堪也。乃益恣其不悛。至長吏不敢制。或有所不稱。數持刃擊令丞戶。兇狠百種。累令丞夜以繼日。毋有倦也。孫昌為令時。進以私憾舉發。已逃去一年。及隄知定安。乃復來。矜其逋久且貧。委曲與收俸治事。及昌憂去。乃更以虛妄把持。明年御史行縣。汰去。夫進視儀其惡其不少也。顧其報獨淺於儻。何哉。

教諭有謝茂實。富順人。性嚴重。不苟為笑語。日雞鳴而起。寒暑兩無少怠。是時士習尚休重武。後則多畏懼。不敢肆矣。

楊春安。岳人。勤以教人。而嚴以守之。士畏敬感激。無異存日。

王文解。人頗以剛毅自居。善忌多疑。所私比者。往往陰中人。適

失文。即以為謗。已輒嫚罵。已以此士多不直。或怨憾矣。

林士雲。邛人。勤學善教。歲暇日。陳潤知縣時。有所會集。僚佐及

卷之二

士

諸學官。或不敢正目。而士臣獨易之。陳亦不以為慢已也。九年。致仕而去。

劉相。成都人。性樂易有容。喜論說。終日千萬言。無倦也。又克勤。教士多愛之。後累遷唐府右。吏

曹山。字東陽。蜀榮縣人。性敏。幼有學。善問辯理道。教人懇懇。虛

惟恐弗皆賢也。當是時。士習同漸實。不浮靡。放恣矣。曹先生繼林

劉二君。而造詣更遠。故士益趨於學。浩浩乎莫之能禦也。游西子

日。曹先生時。余正為生員。親其教。其同時有趙先生。為訓導。遼

庵。虎谷兩君子。又躬自督責。十之遭際。已過盛矣。故宜其汲汲於

學也。曹先生後至。工部員外郎。

俞鼎。字伯器。洛陽人。能使諸生亡犯所令。至號整齊。六年。遷鑑安知縣。有政績。尋改咸寧。再遷甘肅。行太僕寺丞。

去後百年尚能令人思之如在  
其善教為  
何如

能約束諸生可以徵  
斯學矣

文傑號桂  
高少保貞  
吉祖

恣縱者非  
夏楚二物  
不能化也  
語真

趙先生三  
字重齋用  
之妙筆也  
從史記平

原君傳毛  
先生得來

如硬之而  
其心屢焉  
此其所以  
為對山歟

志於教論  
訓導以先  
生稱者三  
人曹先生  
山趙先生  
文傑陳先  
厚也

金嘉玉字廷獻富順人正德十二年補除

訓導李善者楚人也有盛德克勤善教今去已百年而人思之如在後又有曲沃人田禮曲執二子皆有令名其萊蕪人張顯孟人張憲泌陽人魯文蜀人周吉不聞其行事故無能述焉

金鼎字大器榆次人顧貌偉容博學善辯以條理約束諸生故諸生毋敢違者日坐齋室心休休焉弗知其卑官矣

趙文傑字士英內江人性意遂罔計而甘貧嗜學寒暑顛沛不少易也初來時察諸生皆可教乃殫盡心力敢後者則痛撻之諸生方喜恣縱自得故亦多私怨謾趙先生者趙先生乃不嫌其怨謾已顧督責益嚴時濠庵先生以綠野書院新成士就學者日廣方遴擇學官知無如趙先生者於是以上正傳以趙先生主綠野書院趙先生益自砥礪故諸生至今能趨向於學焉濟西子曰昔余為諸生時

卷之二

趙先生顧獨愛余特厚為貢索余時視科舉績學若秋毫浮烟以趙先生為厲已也或數梗之趙先生乃遂警視余而余亦數年不直趙先生然趙先生意在研精覃思以成余之恢廓也顧予卒矣其指意今夷思其行事默數其所恒觀其何能彷彿趙先生孟子曰執德不回非以干祿蓋趙先生之謂矣後趙先生遷雲夢知縣有悍民趙先生力竄徙之後竟以其黨所陷罷去此故成敗之際何可論趙先生也

陳厚字熙載合州人承諸先生之後其學又富贍可師也故諸生咸愛敬之其同時有王延鳳宜陽人後又有建昌李威蔚州張仁然安能若陳先生者今有楊錦滎河人

醫雖小道然有足觀者其表表然顯名于時若扁鵲倉公列諸遷史况郡縣乎今得其二人附官師之末楊珣長安人以名醫召入

太醫院。授武功醫學訓科。診治殊驗。所著有傷寒撮要。針灸詳說。行於世。康佐余從祖也。以醫推擇爲訓科。善方脈。能與病者踰年。決死生。歷千百人。亡一謬者。有醫問三卷。雜治畧五卷。診法一卷。診音軫。候脈也。

卷之二